



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

XXXIV. Markgraf Woldemar überläßt dem Kaland zu Spandow und auf der Heide Hebungen aus dem dortigen Kietze, am 28. Mai 1319.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

XXXIII. Markgraf Woldemar überläßt dem Kloster zu Spandow das Eigenthum am Fischzoll zu Berlin und Cöln, am 23. Juni 1318.

In nomine domini Amen. Ea que in tempore sunt, nisi scripture roborentur testimonio, ab hominum memoria desuunt temporis elapsu. Hinc ergo est, quod nos Woldemarus, Dei gracia Brandenburgensis et Lufacie Marchio, recognoscimus et in noticiam publicam per presentes literas deducimus presentibus hominibus et futuris, quod bona et plena deliberacione prehabita dedimus et solemni donacione donamus deo dicatis virginibus in clastro Spandowe domino famulantibus, presentibus et futuris, proprietatem plenam et omnimodam thelonei piscium, tam in Berlin quam in Colonia, quod theloneum cum vniuersis fructibus discretus vir Thilo de Hamel in dictas virgines transtulit expedite, volentes vt ipse virgines dictum theloneum possideant et tollant de omni genere piscium, exceptis allecibus, cum pleno fructu, vtilitate et commodo atque iure et adeo libere, quod ad nullas prestationes de ipso theloneo teneantur. Possunt quoque dicte virgines fructus huius sui thelonei per prepositum tollere, conseruatore vel ipsum theloneum alii locare cum libertate omnimoda atque plena. Renunciamus igitur dicto theloneo et eius fructibus nec non iuribus omnibus, que nobis aut nostris heredibus possent competere ex causa quacumque, tam quoad proprietatem quam quoad possessionem predicti thelonei et fructuum eiusdem solempniter in hiis scriptis. Proinde dictus Thilo nobis dedit et persoluit centum et octoginta marcas argenti Brandenburgensis complete, de quibus dicimus per presentes literas ipsum quitum. Testes huius nostri contractus sunt: Conradus de Redere, Henninghus de Blankenborch, Droyfeko dapifer, Henricus de Schenkendorp, Sloteko, Ebel de Clepyz, Petrus de Pomerania, Redko de Redere, noster marscalcus, Matthias de Bredowe, milites Henricus, ecclesie Stendaliensis decanus quondam, Euerardus in Stolpe prepositus et Hermannus de Luchowe, nostre curie capellani, cum aliis fide dignis. Et ne de hoc facto nostro rite celebrato aliqua dubietas pullulet in futurum, hanc litteram inde iussimus confici, et sigilli nostri robore firmiter communiri. Actum et datum in Breden, in nostra et dictorum in testimonium ad hoc vocatorum presencia, anno domini Millesimo trecentesimo decimo octauo, vigilia sancti Johannis Baptiste.

Seidel's handschr. Urkunden-Sammlung. — Hildici's Beiträge IV, 10. 11.

XXXIV. Markgraf Woldemar überläßt dem Kaland zu Spandow und auf der Heide Gebungen aus dem dortigen Kiege, am 28. Mai 1319.

In nomine domini Amen. Nos Woldemarus, dei gracia Brandenburgensis et Lufacie marchio, tenore presencium publice profitemur, Quod propter deum, salutem quoque animarum nostre ac nostrorum progenitorum dedimus ac donacione sollempni donamus, deuotis confraternitati ac fratribus Kalendarum de Spandowe et de merica presentibus et futuris duo talenta in vico ibidem denariorum brandenburg. similiter in annuis redditibus perpetuis temporibus iusto proprietatis titulo possidenda. Renunciantes omni iuri, quod nobis aut nostris successoribus

posset in futuro competere ex causa quacumque pro hac nostra donacione per dictos fratres nobis est pro nostro libito satisfactum. Testes fuerunt presentes: Reuerendus pater dominus Henricus ecclesie Hauelbergenfis Episcopus, Nobilis vir dominus guntherus Comes de Keuerenberg, Droyfeco, Mathias de bredowe noster aduocatus et milites, Euerardus prepositus Berlinenfis, Nicolaus prepositus Bernowenfis et Hermannus de Luchowe, nostre curie capellani, cum aliis fide dignis. In cuius rei testimonium nostro sigillo muniti fecimus presens scriptum. Actum et datum Spandowe, Anno domini Millefimo CCC<sup>o</sup>. decimo nono, feria secunda in festis penthecostes.

Röden's Waldbemar II, S. 519—520.

XXXV. Herzog Rudolph von Sachsen und die Markgräfin Agnes verschreiben der Stadt Spandow besondere Rechte in Beziehung auf die Rechtspflege, den Erwerb und Besitz von Lehngütern, die Ausfuhr von Getreide, die Münze und den Gewerbs-Betrieb, am 30. September 1319.

Rudolphus, Dei Gratia Dux Saxoniae, Anghariae, westphaliae, comes in Bren, Purcgravius in Magdeburg Tutorque inclitae principis dominae Agnetis, Marchioniffae Brandenburgensis, Nec non Agnes, eadem gratia Marchioniffa in Brandeburch, vniuersis et singulis Christi fidelibus, ad quos praesentes litterae pervenerint, salutem in domino sempiternam. Noverint igitur praesentes et sciant posteri, quod de maturo nostrorum Discretorum consilio, de bona deliberatione adhibita, fidei nostrae civitati Spandowe Vniuersa et singula jura et omnes libertates, quas dicta Civitas Spandow sub incliti quondam principis Marchionis Ottonis dicti Longi divae recordationis temporibus habuit, damus et donamus pariter et approbando confirmamus, provt in instrumentis super eo confectis Lucidius continetur. Statuimus et ordinamus praecise volentes quod dictae civitatis Cives coram suo praefecto, Vniuersis et singulis hominibus ipsos cives inculpare seu impetere pro debitis sive excessibus in ipso iudicio commissis volentibus debent solummodo et non coram iudice alieno respondere et quod praefectus Civitatis jam dictae omnes potest et debet iudicare excessus, qui in suo iudicio existunt perpetrati, et jam dictis civibus a nostris militibus et Vafallis, quos impetere nituntur vel intendunt, in nostra Curia iudicium reale et personale, quotiescunque necesse fuerit, debemus ordinare taliter, quod nostri juris beneficium ipsis civibus omnimode suffragetur: ac praedictae Civitatis Consules et Scabini omnes iudicent excessus in eorum iudicio perpetratos, secundum quod se noverint facere aequitatem. Insuper volumus et statuimus discrete, quod praehibitae Civitatis cives ab ipsorum dominis, cujuscunque conditionis existant, a quibus dinoscuntur bona sua habere feudalia, et ipsorum haeredes legitimi, ad quos ipsa bona feudalia a suis progenitoribus devolvi possunt, absque omni conditione infeudentur bonis suis, dummodo de quolibet frusto tres fertones argenti Brandebürgensis tribuant expedite, et dictis gaudebunt bonis atque frui debent libere, vtpote ipsorum domini et progenitores dictorum civium ipsa bona prius habuerunt. Et quaecunque deinceps bona feudalia praedicti cives suis comparaverint denariis ab aliquo, quocunque nomine censeatur, eo debent praedicta possidere bona quo jure ille, a quo emerant, ipsa bona possidebat. Praeterea volumus statuendo, quod dicti cives nobis interim, quod suam

Sauptsh. I. Bb. XI.